

› ipsis dominis de la Scala in guerra predicta, sint et includantur
 › et pro inclusis habeantur cum civitatibus, terris, gentibus et locis
 › eorum et cujusque eorum si eis placuerit per modum et formam
 › notatum et notatam de aliis in capitulo precedenti. Promittenti-
 › bus siquidem et observantibus eis seu illis, qui in dicta pace esse
 › voluerint e converso et simili modo prout de predictis aliis supe-
 › rius est narratum.

› Quam pacem, concordiam, et bonam voluntatem, traditio-
 › nes, concessiones, dimissiones, tenutas, possessiones, promissio-
 › nes, provisiones, liberationes, absolutiones, remissiones, pacta,
 › conventiones et alia omnia et singula superius in hoc contractu
 › distincta, apposita et contenta, dicti syndici et procuratores et
 › quilibet eorum sindicariis et procuratoriis nominibus antedictis
 › promiserunt sibi adinvicem et vicissim, firma, rata, grata et in-
 › corrupta habere et tenere attendere et observare facere et com-
 › plere et firma, rata, grata et incorrupta haberi, attendi, teneri,
 › fieri, observari et adimpleri facere, et non contra facere vel
 › venire per se vel alios, de jure vel de facto, directe vel indirecte,
 › aut aliquo modo vel ingenio, in pena et sub pena centum milium
 › florenorum auri solempni stipulatione promissa, que pena totiens
 › committatur et peti possit et exigi cum effectu per observantes a
 › non observantibus vel fallentibus, quotiens contra predicta vel
 › aliquod predictorum fuerit contrafactum vel contraventum seu
 › non observatum. Et pena soluta vel exacta vel non, una vice cum
 › pluribus, nihilominus omnia et singula suprascripta firma perdu-
 › rent cum eadem stipulatione pene, pro quibus omnibus et singulis
 › observandis, firmis tenendis et executioni mandandis, obligaverunt
 › inter se et sibi adinvicem et vicissim dicti syndici et procuratores
 › sindicariis et procuratoriis nominibus quibus supra bona omnia
 › mobilia et in mobilia predictorum, quorum sunt syndici et procura-
 › tores, presentia et futura. Hoc acto et expresse dicto in principio
 › hujus contractus et medio et fine ejusdem, quam comune Venetia-
 › rum ex hoc contractu vel aliquibus in eo contentis non teneatur